

- dar durch fuor ez als ein donerslac.
 5570 ich sage iu wes ez sô verre wac:
 daz swert daz sneit unmâzen wol.
 dô was er grôzer krefte vol
 und was ouch künste rîche
 und sluoc ez dô willeclîche.
 5575 dâvon begunde ez fûr sich gân,
 daz im niht kunde widerstân.
 er gap ein unsenften zins,
 die helme herte als ein vlins
 die mohten niht vor im gewern.
 5580 swer des libes wolde gern,
 dern dorfte im niht zehanden komen,
 er hæte im schiere den lîp benomen.
 dem grâven von dem Liechten Brunnen
 dem was sîn swert berunnen
 5585 mit bluote unz an sîne hant.
 swen er vor im vant,
 der muose umb den tôt geben
 beidiu lîp unde leben.
 daz was ein kouf âne fromen. 41vb
 5590 er begunde nider dromen
 ros unde liute.
 er sluoc sie durch die hiute

5569 tunrslag *h*, durn schlag *k*, dunde^s slag *d*. 5570 wie swer es wag *k*, wie sere es wag *d*. 5571 swert schneid *kd*. 5572 So *d*. grossen crefften wol *k*. 5573 künsten *h*. 5575 es do fur *d*. gân] gar *d*. 5576 jn *k*. 5578 helme heli hert *h*. 5579 jme nit wor geweren *k*. 5580 begeren *k*. 5581 Der *hk*. jn *k*. zeschandē *h*. 5582 jn *k*. genommen *k*. 5584 benommen *k*. 5585 bis an sîn *k*, u. a. sein *d*. 5587 umb] jm *k*. 5587–5588 fehlen *d*. 5589 : 5590 frummen : drummen *k*, frömē : trümē *d*. 5592 hütte *hk*, heutte *d*.